



National Agricultural Research Institute

Sapos yu laik kisim moa toksave yu ken
rait ikam long :

Research Programme Leader
Main Highlands Programme—Aiyura
P O Box 384
Kainantu
Eastern Highlands Province

Telephone: (675) 737 3500
Facsimile: (675) 737 3516
Email: narimhp@nari.org.pg

Bungim kankain wei long daunim daimonbek mot (Binatang nogut bilong kabis)



NARI TOKTOK SERIES

AIY001 (P)

May 2002

TOK IGO PAS

Planti man na meri long PNG i groim kumu kabis, brokoli na koliplawa long salim na kisim moni. Dispela ol kumu gro gut long hailans.

Planti binatang nogut i save bagarapim ol displea kumu na mekim lukluk bilong kumu igo nogut tru. Wanpela nambawan binatang nogut i save kamapim bikpela bagarap long kumu em Daimonbek Mot. Dispela liklik buk i toksave long kainkain rot bilong daunim dispela binatang.

DAIMONBEK MOT

Daimonbek Mot i olsem bataplai tasol em i liklik. Em igat braunpela wing na taim em i no plai, tupela wing i bung long namel kamapim daimon (piksa 1). Liklik grinpela katapila (snek) bilong Daimonbek Mot i save kaikai lip bilong kumu na bagarapim kumu. Taim yu laik holim katapila, em bai pundaun hariap na hangamap long rop bilong en. Katapila i save kaikai ananit long lip na lusim platik skin karamapim antap bilong lip i stap na kamap olsem windo (piksa 2)

Karamapim gut nus, ai, han, lek na bodi gut wantaim kolos bilong spre. Sapos yu nogat, **noken** yusim marasin.

Sprei long monin, apinun na taim kilaut i haitim san. **Noken spre** sapos igat ren, **strongpela san or stongpela win.**

4. BILONG WANEM KABIS IPM EM I GUTPELA TRU LONG BIHAINIM?

1. Kabis IPM i kilim Daimonbek Mot tasol.
2. Daidekma i kamap planti
3. IPM i daunim kos bilong spreim marasin
4. Man, meri na pikinini kaikai kumu i no inap bungim hevi
5. Ol wara, graun, win na narapela samting gro o i stap klostu long kumu i no inap bagarap
6. Ol binatang nogut olsem **Daimonbek Mot** i daunim strong bilong kainkain marasin pinis na kamapim bikpela bagarap long kumu. Na tu sampela marasin olsem **Karate** i save kilim gutpela binatang. Sampela marasin i save stap longpela taim insait long kumu, graun na wara na kamapim sik o hevi. Kabis IPM inap long abrusom ol dispela kainkain ol birua.

KABIS IPM I HELPIM YU LONG:

- LUKAUTIM GUTPELA BINATANG
- KAMAPIM GUTPELA KUMU
- YUSIM GUTPELA MARASIN TASOL BAI:
 - Kumu i gutpela long kaikai
 - Graun, wara, win na narapela samting i no inap bagarap


3. YUSIM GUTPELA MARASIN

Gutpela marasin: Bt (Delfin, biobit, thuricide, Agree), Success, Steward

Noken yusim marasin nating sapos ol narapela wok yu mekim wantaim ol Daidekma i daunim Daimonbek Mot.

Wanem taim em i gutpela long yusim marasin?
Yu mas painim Daimonbek Mot long kumu olgeta wik. Sapos planti moa i stap na kamapim bikpela bagarap long planti kumu, orait yusim marasin.

Senisim, senisim marasin bihain long olgeta tupela wik olsem piksa i soim.



Marasin	Mak bilong 15 lita pam (CP15)
Delfin (Bt)	15 grem (pulapim 5 koka kola plastik lid)
Biobit (Bt)	15 grem (pulapim 5 koka kola plastik lid)
Thuricide (Bt)	15 grem (pulapim 5 koka kola plastik lid)
Success	15 mililitga (pulapim 3 koka kola plastik lid)
Steward	7.5 mililita (pulapim 1 ful na hap koka kola plastik lid)

Piksa 1. Daimonbek



Piksa 2. Katapila bilong daimonbek mot I kaikai lip bilong kabis

BAI YU DAUNIM DAIMONBEK MOT OLSEM WANEM?
Yusim Kabis IPM long daunim dispela binatang nogut.

KABIS IPM EM WANEM SAMTING?

Kabis IPM em i wanpela rot bilong bungim kainkain wei long daunim Daimonbek Mot. Sapos yu bihainim gut ol toktok i stap insait long hia, bai yu inap long daunim Daimonbek Mot na em i ken helpim yu long daunim ol narapela binatang nogut tu i save bagarapim kumu (kabis, brokoli, koliplawa, saina kabis, na kabis bilong ples)

1. LUKAUTIM GUTPELA BINATANG

OI NARI (Nesinol Agrikalsa Rises Institut), German Development Sevis (GDS) na SPC i bin wok bung na kisim wanpela gutpela binatang ikam long Papua Niugini (PNG). Nem bilong binatang em **Daidekma (Diadegma)**

Dispela gutpela binatang i luk olsem moskito tasol em i gat bilakpela het na as bilong em sulap. Daidekma i kamapim gutpela wok long daunim Daimonbek Mot insait long Hailans. Daidekma i save putim kiau igo insait long katapila na kamap bikpela insait long bodi bilong katapila. Taim katapila. Taim katapila karamapim em yet na bihain buruk, bai tanim kamap Daidekma na em ino inap go bek long mama Daimonbek Mot (lukim piksa daunbilo). Dispela rot em kilim Daimonbek Mot.

Gutpela binatang em i save kaikai plawa. Olsem na yu mas larim grass na liklik diwai igat plawa arere long gaden bai gutpela binatang em stap.



Piksa 3. Daidekma



Piksa 4. Daidekma kam aut long karamap

Daidekma putim kiau long katapila

Pikinini Daidekma gro insait long bodi bilong Katapila

Mama Daidekma kam aut long karamap

Pikinini Daidekma kam aut long Katapila long wokim karamap

Daidekma karamap

Katapila i dai

Dispela piksa soim laip bilong daidekma

2. KAMAPIM GUTPELA GADEN

- Kilim binatang nogut long han
- Senisim, senisim na planim ol narapela kumu long wanpela hap graun
- Planim kainkain kumu long wanpela taim
- Larim bus i kamap long olupela gaden na bihain wokim gaden gen
- Planim ol kumu i gutpela na strong long winim sik na binatang nogut
- Planim kumu long taim bilong ren
- Rausim ol narapela kumu o gras isave kamap olsem **kaikai** o haus b ilong binatang nogut
- Planim pipia bilong kumu igo insait long graun